

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-24-000 633

Tuzla, 11. februar 2025. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj 38/05, 22/06, 63/10, 7/13 i 52/14), člana 8. Pravilnika o unutrašnjem sudskom poslovanju („Službeni glasnik Bosne i Hercegovine“, broj 66/12, 40/14, 54/17 i 60/17) i člana 126. j. Pravilnika o sistemu za automatsko upravljanje predmetima u sudovima (CMS) („Službeni glasnik Bosne i Hercegovine“, broj 4/16, 37/16, 84/16, 40/17, 34/18, 34/19 i 61/20) predsjednica Kantonalnog suda u Tuzli podnosi

GODIŠNJI IZVJEŠTAJ

**o provedenoj provjeri tačnosti i ažurnosti unosa podataka u CMS
za period 01.01.2024. – 31.12.2024. godine**

U skladu sa odredbama člana 126. a. do 126. l. Pravilnika o sistemu za automatsko upravljanje predmetima u sudovima (CMS) u Kantonalnom sudu u Tuzli je provedena provjera tačnosti i ažurnosti unosa podataka u CMS-u u periodu od 01.01.2024. – 31.12.2024. godine.

Provjera je izvršena pojedinačno za svakog sudiju, sem sudija koje se nalaze na dužim bolovanjima. Provjera je izvršena u 5 predmeta sudije po referatima i statusu predmeta automatskim odabirom predmeta kroz CMS izvještaj “Lista predmeta za provjeru kvaliteta podataka” po unaprijed postavljenim parametrima, a sve u skladu sa Smjernicama za provjeru predmeta krivičnog i prekršajnog referata i Smjernicama za provjeru predmeta parničnog, privrednog, vanparničnog, izvršnog, upravnog i zemljišno – knjižnog referata.

Provjera je provedena upoređivanjem fizičkog stanja sudskog spisa sa elektronskim stanjem sudskog spisa, odnosno stanjem podataka

evidentiranih u CMS-u, u smislu provjere njihove tačnosti, potpunosti i blagovremenosti evidentiranih podataka.

Rezultati provjere koji su utvrđeni, kao i uočene nepravilnosti konstatovane su u Obrascu broj 3. – Izvještaj o provedenoj provjeri tačnosti i ažurnosti unosa podataka u CMS.

Uočene nepravilnosti u svim pregledanim prvostepenim i drugostepenim krivičnim predmetima odnosile su se na slijedeće nedostatke:

- u nekim krivičnim predmetima nedostaje popunjeno polje „Općina/Opština mjesta izvršenja krivičnog djela“;
- u nekim krivičnim predmetima nedostaje podatak „Datum izvršenja krivičnog djela“;
- u dva krivična predmeta nedostaju jedinstveni matični brojevi za optužene osobe;

U drugostepenim prekršajnim predmetima nije bilo utvrđenih nedostataka i nepravilnosti.

U drugostepenim parničnim predmetima i predmetima upravnog spora nije bilo utvrđenih nedostataka i nepravilnosti ni u jednom predmetu, iako je provjera izvršena u predmetima **23 sudija** koji rade na ovim referatima.

Nedostaci koji su se ticali nedostatka u predmetima, podatak o mjestu izvršenja i općini izvršenja krivičnog djela je unesen, **osim u jednom predmetu**, ali napominjemo da te podatke treba unijeti Kantonalno tužilaštvo Tuzlanskog kantona prilikom podnošenja optužnice, obzirom da se ti podaci povlače direktno putem CMS od Kantonalnog tužilaštva.

Također u predmetima u kojima je nedostajao jedinstveni matični broj optuženih lica nedostatak je otklonjen unošenjem naknadno jedinstvenih matičnih brojeva, osim u jednom predmet za jedno optuženo lice.

U predmetu ovog suda broj **03 O K 015350 24 Kpp 5** nije preciziran podatak koji bi se mogao unijeti u polje „mjesto“, jer je predmet u “Kpp” fazi i samo su bile izdate naredbe za privremeno oduzimanje predmeta, a u izvještaju o realizaciji naredbe stoji da se odnosilo na oduzimanje predmeta od pravnih lica „Paloč“ d.o.o. Gornji Vakuf, „UniCredit Bank“ d.d. Mostar i „Lager“ d.o.o. Posušje.

U predmetu ovog suda broj **03 O K 014025 24 Kv 19** nije moguće ispraviti matični broj za stranku Miki Konig, jer je optuženi promijenio ime i prilikom unosa njegovog matičnog broja IDDEEA povlači ime Mustafa Seferović i sistem dodjeljuje novi ID za stranku.

Nisu utvrđene nepravilnosti ni u provjeri predmeta kojima je zadužena predsjednica suda.

Predsjednica suda će i dalje, shodno odredbi člana 126. k) Pravilnika o sistemu za automatsko upravljanje predmetima u sudovima, preduzimati mjere za prevenciju nepravilnosti, kao i u prethodnom periodu, cijeneći da će se istim podići nivo kvaliteta podataka koje sudovi imaju obavezu evidentirati u CMS, shodno Pravilniku o sistemu za automatsko upravljanje predmetima u sudovima.

PREDSJEDNICA SUDA

Indira Hadžimehmedović